



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

Consid. VII. die Sabbati. Æternitas Pœnarum Interminabilis, Inevitabilis,
Justa.

urn:nbn:de:hbz:466:1-47773

Consideratio VII.

Pro die Sabbati.

Æternitas Poenarum.

Est Interminabilis.

I. Considera; Poenas Inferni, quamvis essent levissimæ, ex eo tamen, quod finem nullum sint habituræ, evasuras infinitas. Quid ergo erit, cum & atrocitate sint intolerabiles, & simul æternitate interminabiles? Quis potest capere, quantum ponderis accedat dolori ex eo, quod finem non sit habiturus? CruciatuS unius horæ magnum malum est: duplex malum est cruciatuS horarum duarum, & centuplicatum malum est cruciatuS centum horarum, atque ita progrediendo, quod pœna durat diutius, tanto evadit magis formidanda. Illa igitur Pœna, quæ durat horis, diebus, seculis infinitis, profectò est malum infinitum, & omnem nostram in concipiendo cogitationem superat. Hinc si hæc daretur Damnatis optio, ut vel tolerarent æternum punctionem Apis in aliquo oculorum, vel tolerarent omnes cruciatuS Inferni tot seculis, quot sunt in cælo stellæ, eligerent procul dubio esse ita miseria tam longo decursu seculorum, & subinde videre finem ejus doloris, quam tolerare malum tanto minus, sed absque fine. Breve est, contemni potest, quidquid æternum non est; quia per totam æternitatem erit nihil. *Quid enim potest grande esse, quod habet finem?* Ait S. Hieronymus in Psal. 89. V. Cornel. in Epist. 2. Petri c. 3. v. 8. è diverso quod finem non habet, sicut comprehendi non potest, ita non

non potest non timeri, nisi ab insano. Hoc idcirco pessimum, quod sicut malum culpæ, ita & malum pœnæ non masticetur, sed devoretur à Peccatoribus. *Os impiorum devorat iniquitatem. Prov. 10.* Et si hoc ita est, applicemus tantisper animum ad metiendam hanc æternitatem, quæ mensuram non patitur. Accipe clepsydram illam, quæ horas metiris, quæ fluunt, & sic te ipsum alloquere.

Si necesse esset me vivum hærere in medio ignis per tot millia annorum, quot sunt pulvisculi arenæ in hoc vasculo, quando unquam cruciatus meus finem esset habiturus? Tanto jam tempore duravit Mundus, & tamen nondum lapsa sunt sex millia annorum: nondum igitur ablati essent sex illarum propè atomorum, quæ vitrum hoc implent; & tamen si ego morior in peccato, fide certum est, postquam cruciatus fuero per omnia hæc secula, ne cum tamen partem minimam supplicij mei esse præterlapsam, & æternitatem superfuturam integrum. Progrediamur igitur, & imaginemur montem tam vastum simili conflatum arenâ, qui à terra ad supremum usque cælum apicem portigat, & dic: si me necesse esset vivum ardere in igne tot millibus annorum, quot arenæ pulvisculi hunc montem componunt, quando tandem finis futurus esset tormentorum meorum? & tamen si mori me contingat in peccato lethali, fide certum est, quod post cruciatus tot seculorum decursu exantlatos, nihil adhuc pœnæ meæ elapsum sit, & æternitas tota atque integræ sit superfutura. Agamus igitur hac ratione. Mons iste magnitudinis tam vastæ duplicitur tot vicibus, quot sunt arenæ maris, quot folia arborum, quot plumæ volucrum, quot squamæ piscium, quot pili animalium, quot atomi aëris, quot guttulae aquæ, quæ

hactenus lapsæ sunt, & deinceps cælo cadent usque ad Mundi finem: quæ unquam humana mens comprehendere poterit numerum tam magnum, cùm vix illum comprehendat Intellectus Angelicus? & tamen si tu, si ego morierur in peccato lethali, fide certum est, quòd toto hoc tempore hæfuri simus in igne, quòdque omnes isti anni clapsuri sint, quin tamen quidquam decedat nostræ pœnæ, aut æternitas vel unico momento decrescat. O igitur æternitas, o æternitas! aut fide carent Peccatores, aut cerebro. Potésne tu negare, quòd vivere in peccato non sit, esse constitutum in periculo præcipitandi in illam abyssum, cx qua exitus non patet per omnem deinceps æternitatem? Negare profectò id non potes, si Christianus es: quin imò dicere cum veritate potes, quamdiu ita vivis, te non nisi passu unico ab illa abysso distare; quòdque jam uno pede in illa hæreas: *Uno tantum ut ita dicam gradu ego morsque dividimur.* 1. Reg. 20. Dum, sicut momento quolibet supervenire tibi mors potest, ita quolibet momento præceps eò ruere potes. Exponere autem se manifesto periculo ardendi mille annis in igne pro vilissima & brevissima voluptatula, procul dubio valde stultum esset; stultius autem esset exponere se hac ratione periculo ardendi per decem annorum millia; multo iterum ac multo stultius per centum millia; exponere igitur se periculo pro re tantilla ardendi per omnem æternitatem, an non erit insania infinita? *Post tantillam voluptatem tam gravis miseria.* Bern. ad fr. de Monte DEI. Tu dicas: cogitationem seriam & attentam de æternitate, posse hominem redigere ad insaniam. Erras: cogitatio ejusmodi potest amentes ad mentem revocare.

Eß

Est inevitabilis.

Considera, quod si ista perpetua successio seculorum in Inferno posset admittere aliquod lenimen ex varietate, futura esset tolerabilius: at quomodo tolerari poterit, cum eadem semper & immutata esse debeat in tormentis? Manna in deserto et si omnem contineret varietatem saporis, nihilominus nausear cœpit esse Populo Hebræo, quia semper erat idem. *Nihil aliud respiciunt oculi nostri nisi Man. Num. 1. 6.* Factum autem est hoc Populi murmur secundo itineris per desertum anno, ut Interpretes volunt: *V. Cornel. ib.* Quid igitur futurum fuisse post annos quadraginta, post seculum integrum? Infelices Peccatores! Æternitas illa, quæ vos expectat, si vos vocaret ad convivium cum iisdem semper fereulis, talem sui naufragium moveret, ut vos impelleret ad desperationem. Qualis igitur erit vestra desperatio, dum vos expectat æternitas in loco omnium tormentorum, semper eadem cum iisdem cruciatibus? Vos, quibus molesta est concio non varia, imò & Comœdia, quæ caret episodiis, quomodo tandem transfigetis æternitatem in iisdem miseriis, sine lenamine, sine mutatione, sine refocillatione? Qui Zonæ torridæ subiecti sunt, diurno tempore rectis Solis radiis non parum aduruntur; nox illis calores plurimum mitigat. Äger aliquis dormitat saltem tantisper, & tunc omnium suarum molestiarum oblitiscitur: nec est vel animi, vel corporis vulnus ullum tam doloriferum, quod tempore non mitigetur. At pro Damnatis spes istæ omnes vanæ sunt: subjecti erunt non radiis, sed fulminibus divinæ Justitiae, nec veniet unquam aut nox, aut somnus, aut tempus,

pus, quæ vulnera eorum mitgent. Atque utinam saltem miseri decipere possent seipsoꝝ, & sibi persuadere, venturam aliquando illam mitigationem, et si re ipsa ventura nunquam sit! Sed ne istud quidem possunt: vult enim DEUS, ut perpetuò eorum oculis obversetur sententia æternæ damnationis, characteribus exarata, quos nec æternitas deleaf, quin ab ea vel tantillū animum aliò avocare possint: *Ut videant semper. Dan. 11.* Hinc si cuilibet una hora in doloribus dies videtur, quam longæ infelicitibus videbuntur miseriæ, nunquam per infinita secula interpolatæ? Non solùm patientur miseri per æternitatem, sed ipsam patientur æternitatem; cum enim hæc semper ante mentis oculos constituta sit, identidem eos toto suo pondere opprimet, eâ omnino ratione, quâ sphæra immensa ex ære totâ suâ mole perpetuò opprimet planum, cui insistit. Quid quod sæpe plus affligit timor mali imminentis, quam ipsum in se malum: *Peior est bello timor ipse belli;* & idcirco dicere oportebit, quod non solùm æternitas quovis momento Damnum oppressura sit, sed quod momento quilibet mutetur in plures æternitates: *in perpetuas æternitates.* Nam si malum est inevitabile, & expectatio certissima, necesse est ut timor omni carnifice sævior anticipet & duplicit cruciatum quovis momento. Tu hæc legendō coherescis; & tamen non horres peccare: si ita est, horres præcipitium depictum, & non times te præcipitem agere in verum.



Ef

Est Justa.

Considera, homines dum semper ad rationis humanæ libram ponderare volunt omnia, nonnunquā hæc re attonitos: quod DEUS brevi hominis culpæ decreverit pœnam ignis sempiternam: id enim ipsi neque cum divina Bonitate, tam nostram imbecillitatem miserari solitā, neque cum divinā Justitiā, quæ in puniendo modum tenet, in animo suo conciliare possunt. Non tamen est miranda hominum hujus seculi admiratio, quæ tota fundatur in ignorantia rerum spiritualium. *Animalis homo non percipit ea, que sunt spiritus DEI: stultitia enim est illi, & non potest intelligere.* 1. Cor. 2. Si Peccatores assequerentur malitiam peccati sui, mox istum stuporem suum mutarent stupore alio magis insolenti. Nunc stupent, quomodo DEUS culpæ uni soli parârit Infernum æternum: tunc autem stuperent, cur non pro omni transgressione plures Infernos destinârit, & cumulum tormentorum septies atrociorum. Rectè hanc veritatem intellexit S. Augustinus, dum afferit, misericordiam Damnatorum æternam esse, quia sic respondet malitiæ ipsorum. *Nunquam esset Daemonum eterna miseria, nisi esset magna malitia.* De Civit. l. 9. c. 13. Perpende igitur, noxam quamlibet mortificram, cùm sit vel tacitus, vel manifestus contemptus vultatis divinæ, esse injuriam DEI. Crescit autem omnis injuria ex dupli capite, magnitudine scilicet ac dignitate offendit, & vilitate offendentis: unde cùm infinita sit dignitas & Majestas DEI, summa è diverso nostra vilitas, consequens est, ut injuria, quā illum afficimus, sit quodammodo infinita; sitque abyssus malitiæ magis detestabilis, quam essent infinitæ injuriæ illatæ creaturis infinitis. Qua-

H

re cùm

re cùm pœna respondere debeat culpæ ad reparandum ordinem violatum, debet ipsa quoque esse infinita: & quia non potest esse infinita in intensione, cùm ejus creatura capax esse non possit, necesse est ut sit infinita in extensione, & in omne ævum duret.

Hæc eadem veritas melius etiam cognoscetur, si considereretur, quod malignitas peccati tam extra omnem orbitam vagetur, ut vinci non possit, nec pro ea fieri satis omnibus operibus bonis rerum conditarum omnium, & quod idcirco necessarium fuerit, ut ad satisfaciendum isti debito DEI Filius suis è venis divini sanguinis thesaurum appenderet tanquam pretium justum. *Less. de perf. div. l. 13. n. 183.* Jam malum, quod compensari non potest actionibus virtutum, quantocunque tempore exercitatum ab hominibus, rectè meretur pœnam omni tempore longiorem, & ideo æternam. Sic Magnus iste Dominus nunquam potest contemni, nisi ab insanis: cùm si pœna debita ejus offensoribus aliquando finiretur, contemni posset à cuiuslibet judicio & sententiâ: siquidem, *quod æternum non est, nihil est.* Quod per unam integrum æternitatem nihil erit, etiam nunc pro nihilo reputari potest. Sic disserit, quisquis per Bonitatem in DEO intelligit non stolidam aliquam non curantium mali; ut stulte illam sibi fingunt Peccatores; sed per Bonitatem intelligit Sanctitatem infinitâ & illimitatâ quâdam ratione pugnantem cum peccato, quæque infinito odio illud prosequitur, quod non potest non prodere, sed debet vindicare ipsum pœnâ respondentem, quæ nimirum finem nesciat. Atque ita etiam res ponderat, qui bilance utitur divinæ Justitiæ, quæ falli non potest, non autem ponderibus mendacibus Mundi, de-

di; decepti perinde ac decipientis. Perpende proin, Lector mi care, quām prodigiosum malum sit noxa mortifera, dum suis quasi in visceribus continet æternitatem misericordiarum; sic ut si oculis mentis tuæ penetrare posses & pervadere in illum sinum profundum & malignum, videres intus semina æterni ignis, luctus æterni, æterni carceris, æterni fætoris, æternæ pœnitentia, æternæ desperationis, æternæ jacturæ omnium bonorum. Cuncta hæc uno in peccato continentur, etiam si tantillo tempore duret, sicut in ovo tam parvo Basiliæ continetur tota venenatissima progenies, & in illa mors multiplex. Interim hoc est Infernus, aut ut rectius dicam, nihil horum est Infernus, sed malum infinites majus, quām à nobis explicari possit; & quod nihilominus toties geminabit suum rigorem, quām multa sunt peccata, quæ Anima secum feret in illam terram miseria & tenebrarum, ubi umbra mortis, & nullus ordo, sed sempiternus horror inhabitat. Job. 10. v. 12. Ante unquam serio cogitasti de his veritatibus? Intellexisti hæc omnia? Matth. 17. Si cogitasti, quomodo fieri potest, ut pro tam turpi, tam brevi voluptatulâ peccando cum risu præcipites temet in illam abyssum culpæ & pœnæ, quam post se trahit sequelâ legitimâ? Ah! non intellexisti hæc omnia, non intellexisti. Cogitasti obiter, sed non intellexisti. Quod si ne nunc quidem cogitas, quid agis tandem? Quid tu sopore deprimeris? surge invoca DEUM tuum. Jona 1. v. 16. Quomodo dormis in statu naufragij tam propinqui? cum tamen malum, si verisimile duntaxat esset, & non fide certum, attonitum te deberet reddere omni momento. Age, nulla non die ora DEUM tuum, ut te liberet; propera ad Confessionem; horre prayorum Societas.

cietatem, fuge peccandi pericula; crebrò dñinis Mystra
riis utere; opera poenalia exerce: exi, si necesse est, etiam
ex Mundo, ut serves Animam tuam. Tandem nunquam
potest nimia esse cura, quæ ponatur in æternitate in tuto
collocanda. Nunquam potest esse nimia securitas, ubi peri-
ditatur Æternitas. Bern. apud P. Lazarum Dussier in Ser.
Advent.

Oratio.

*Ad Sanctissimam Virginem, ut æternam nobis Salu-
tem obtineat.*

OMater pietatis benignissima, sicut nulla creatura pro-
piùs refert perfectiones incomprehensibiles divini
Filij tui, ita nulla ad ipsum propiùs accedit miserati-
one. Imitaberis ergo illum, qui est totus Caritas, totus
miseratio erga Peccatores, si subvenies mihi misero in sum-
ma mea miseria, liberando me ex abyssō meorum peccato-
rum, & à damnatione, quam tot titulis promerui. Scio
quantopere etiam res tua agatur, dum agitur de Gloria
eiusdem Filij tui, & quòd cupias, ut hæreditas Animarum
ab ipso redemptarum sit copiosa, & fructus divinissimi San-
guinis ejus augeatur; & idcirco ad te omni cum fiducia
confugio, cùm sim certus, quòd non sis omissura preces
tuas pro illo interponere, prò quo Dominus meus JESUS
Christus ipsam adeò vitam profudit. Quid me futurum
esset, si damnarer ad ignes æternos, ad non videndam in
æternum faciem tui & mei DEI; ad illum & te præterea,
habendos pro inimicis? Ah! nunquam istud contingat.
A morte eternal libera me Domina. O Magna Domina, im-
petra

petra mihi ut sim liber à tam tremenda sententia: nihil mihi & meis precibus tribuatur: nec enim dignus sum: sed totum detur precibus tuis & ineritis, vulneribus, & morti Servatoris mei. Tu nobis ab ipso ad Crucis pedem relicta es Advocata, & Mater: Da igitur veniam, ut sic te alloquar: Adimple partes tuas; *Monstra te esse Matrem*; resonet vox tua in favorem mei, & sufficit mihi: pone me sub pallio protectionis tuæ, & sum securus. Impetra mihi ne unquam peccato mortifero me obstringam, sed fideliter ad extremum usque spiritum serviam meo Creatori, & Redemptori, ut frui illo possim in æternum, & cum omnibus Sanctis in Cælo compensare obsequia, quæ in hac vita tam ignavè omisi. Amen.



IN-